



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Sententia Verani Episcopi Cabellicae in aliqua huius temporis Synodo
dicta.

urn:nbn:de:hbz:466:1-15221

72 VERANI EPISCOPI SENTENTIA.

^b Anno Christi 589.] Celebratum est hoc Concilium X. Kalendas Iulias in fine anni 24. regis Guntramni: adeoque anno Christi 589. Nam 24. annus Guntramni incipit circa Septembrem, anno Christi 588. & finitur anno Domini nostri Iesu Christi 589. mense eodem. Vnde patet, emendandandum esse illud quod in titulo inscriptum habetur; indictione secunda. Nam cum anno 25. Guntramni regis indictio septima coincidit, non secunda.

ANNO
CHRISTI
584.

SENTENTIA
VERANI EPISCOPI CABELLICÆ
in aliqua huius temporis Synodo dicta.

De castitate sacerdotum.

VERANVS episcopus dixit: Quis præfidentem sacris altaribus, atque ad ipsa sancta sanctorum honoris privilegio venientem indignissimis carnalium voluptatum contaminari illecebris patiatur; ac sub ipso coniugalis licentiæ nomine acquiescat quempiam clericorum, & sacerdotis agere officium, & mariti implere personam: cum purificatis corporis atque animi moribus multa cogitatione perpendendum, quam idoneus esse debet is qui ad celebranda mysteriorum loca non solum pro suis, verum etiam pro alienis peccatis intercessurus accedit. Incongruum siquidem mihi videtur, de coniugali toro aliquem confurgentem altariorum septa penetrare. Ipsi utique illuminati & docti de Spiritu sancto optime nostis, oblaturum spiritualis sacrificii victimas quali oporteat igne flagrare. Si enim in lege veteri, vbidum euangelicæ perfectionis auctoritas præfulgeat, sancto David, cum fugæ necessitate premeretur, sacerdos Sadoch non prius panes propositionis tradidit, quam se & pueros suos iam die tertio mundos esse a mulieribus fateretur; quis immaculatas agni carnes ad salutem mundi præstitas post passionum inquinamenta, vel etiam audeat consecrare? Beatus Paulus apostolus in veritate nos contestatur dicens: Probet se unusquisque ministrorum, & sic panem illum præsumat offerre. Notum vobis est, circa loca beatitudinis vestræ, sub magnorum patrum disciplina, monachorum congregationes esse non paruas, vnde ad supplenda clericorum officia in promptu est viros bonos assumi. Vtilior est enim

1. Cor. 11.

in ec-

in ecclesia paucorum bonorum electa probatio, quam eratica multitudinis praesentia conglobata: ac plus aedificationis afferunt rara virtutis exempla, quam popularis licentiae abundans & incorrecta praesumptio.

NOTA IACOBI SIRMONTI
SOCIETATIS IESV.

¹ *Verani episcopi Cabellica.*] Satis apparet hanc sententiam in Synodo aliqua dictam a Verano episcopo. Sed cuius sedis fuerit episcopus, codex sancti Germani, unde excerpta est, non exprimit. Cum hoc loco intexeretur, veniebat in mentem Veranus Cabellicensis episcopus, qui proximae Synodo Matisconensi II. subscribit. Nunc vero aptius tribui posse videtur Verano Lugdunensi, ad quem extant Hilari papae epistolae, ab eoque tum dicta, cum in Synodo provinciales suos affaretur.



ANNO
CHRISTI
585.

CONCILIVM MATISCONENSE II.

GVNTRAMNI REGIS IVSSV,

* Anno
Christi
DCCCXIII.
ut Binus
putat.

^b anno regni eius XXIV. celebratum, id est, ^{1*} anno Christi DCCCXV. Pelagii II. papae VIIII. ² Clotarii iunioris regis II.

TITVLI CANONVM.

- | | |
|---|--|
| I. De intermisso diei dominica cultu restituendo. | XI. De hospitalitate seruanda. |
| II. De Paschate per sex dies festos agendo. | XII. De viduis & pupillis, non nisi coram episcopis iudicandis. |
| III. De baptismo in Paschate celebrando. | XIII. De canibus & accipitribus ab episcopis non alendis. |
| IV. De oblationibus in omnibus dominicis diebus populo faciendis. | XIV. De violentia potentum in miferos coercenda. |
| V. De decimis a populo clericis antiquo more soluendis. | XV. De honore clericis honorationibus a secularibus exhibendo, adeo ut clerico pedestri eques obuiam secularis ad terram defiliat. |
| VI. De Missis non nisi a ieiunis celebrandis. | XVI. De vxoribus clericorum, ne post eorum mortem ineant secunda matrimonia. |
| VII. De libertorum causis ab episcopis iudicandis. | XVII. De alieno sepulture iure non usurpando. |
| VIII. De reis ab ecclesia non extrahendis. | XVIII. De incestuosis copulationibus vitandis. |
| IX. De episcopis ad sacularia iudicia non trahendis. | |
| X. De clericis coram episcopis concil. Tom. 13. | |

K